

## *Монголын шашин, соёл, сэтгэлгээний түүх*

### **Монгол оронд бурханы шашин дэлгэрсэн нь**

**Дэд профессор Б. Ралгаа /МУИС/**

Түүхийн сурвалж бичигт, бурханы шашныг судалсан судлаачдын ном зохиолоос үзэхэд шарын шашин бол бурханы шашны нэгэн урсгал юм. Өөрөөр хэлбэл, буддагийн шашин МЭӨ VI зууны үед орчоогоос 2500 жилийн цаана эртний Энэтхэг оронд үүсчээ. Тэр цагт Энэтхэг оронд боолчлол хүчтэй хөгжиж, ядуучуудын амьдрал нэн хүнд бэрх байсан байна. Дарлагдсан ядуучууд өөрсдийн мөлжигдэн зовж байгаагийн инэн мөн чанар, учир шалтгааныг тайлбарлаж мэдэхгүй бурхан, санс, далдын хүчин зүйлтэй холбон үздэг байв.

В. И. Ленин “Зэрлэг хүмүүс байгальтай тэмцэх тэмцэлд хүчин мөхөсдөхөд бурхан чөтгөр, ид шидтэнг бишрэх итгэл төрдөгийн адил дарлагдсан анги дарлагчдын эсрэг тэмцсэн тэмцэлд хүчин мөхөсдөхөд хойд насандaa сайн төрөл олж төрөх итгэл зайлшгүй төрдөг юм.”<sup>1</sup> гэжээ.

Яг ийм түүхийн нөхцөлд Буддагийн номпол дэлгэрч байснаараа хүн ардын нилээд хэсгийн сонирхол татаж, тэдний дотор улам нэвтрэх хандлагатай болжээ. Гэхдээ бурхны шашныг үндэслэлгэчид нь өөрийн энэхүү нөлөөгөө улам өргөжүүлэх үүднээс “Зовлон гачаал, хүнд бэрх байдал” нь бух хүмүүст адил тэгш хэмээн зарлаад, энэхүү зовлонгийн шалтгаан бол нийгмийн буруугаас бус хувь хүмүүсийн өөрийн нь талаас шалтгаалдаг гэж итгүүлэхийг чиглэж байсан бол, тэр үед оршин байсан нийгмийн харилцааны эсрэг шинж чанарыг хадгалж байсан.

Ийм ч учраас тухайн үед дарлагдсан олон түмний сонирхлыг илэрхийлсэн шашны шинэ урсгал болж дэлгэрэх үндэс нь болсон юм. Харин бурханы шашин бий болсон өвөрмөц талыг гаргахдаа эхнээсээ ноёрхогч ангийн зэвсэг болж байсан, түүний харгис шинж чанарыг нэгэн адил дүгнэж үзэхийн хамт нөгөө талаар бурханы шашны энэрэнгүй хүнлэг бух хүн ардын сайн сайхны төлөө чиглэсэн үзэл санааг ч бас нэгэн адил авч үзвэл зохилтой юм.

Бурханы шашин нь хүмүүсийг зовлонгоос хагацах арга, зам мөрийг номлохдоо тухайн нийгмийн байгуулалттай тэмцэх замаар бус гагцхүү ухаан зарж, зовлон хүн бүхэнд адил тэгш гэдэг дээр тулгуурлан нийгмийн гол ёс суртахууныг зөвхөн сайжруулж байж болох зүйл хэмээн үздэг байв.

Чухамхүү ийм номлолыг ангит нийгмийн үндсэн зэвсэг мөн гэдгийг боол эзэмшигч нийгмийн ноёлогч ангийн зүгээс харахгүй байж чадаагий. Ийм ч учраас эртний Энэтхэгийн боол эзэмшигчид удалгүй бурханы шашныг үүнэ олон түмний хүлцэнгүй номхоноор барьж байх зэвсэг, нөгөө талаар Бархманы номлолыг нухчин дарах үндсэн зэвсэг хэмээн үзэж өөрийн үзэл санааны тулгуур болгон хүлээж авсан байна.

Гаутам Сиддхара бурханы уламжлалт ёсонд уул шашны үндэслэгч нь Гаутам овгийн Сиддхара хэмээх гэгчийг үздэг бөгөөд хожим алдарт их соён гийгүүлэгч, номлогч, энэрэнгүй үзэлтэн гэж бурханы шашинтны дотор алдаршжээ.

Гаутам Сиддхара нь бурханы номлолын аль нэг урсгалыг үндэслэгчийн нэг болсон нь тодорхой боловч харин бурханы шашны бүхэл бүтэн системийг бүтээсэн хүн гэж үзэж болохгүй, тухайн нийгмийн түүхчдийн, сүсэгтний хамт оюуны бүтээл болох нь мэдээж билээ.

## Монголын шашин, соёл, сэргэлгээний түүх

Өөрөөр хэлбэл бурханы номлол нь тухайн үед оршин байсан нийгмийн болон эдийн засгийн дотоод зөрчил, сүйрлийн үндсэн дээр бий болсон гэж шинжлэх ухаан бүхэлд нь тайлбарладаг.

Бурханы шашин үүссэн нийгмийн шинж чанар нь бусад шашны нэг адил Фридрих Энгельсийн хэлснээр "Хамгийн анхны эрт үед өөрсдийн төрөлх чанарын тухай, өөрсдийнхөө орчин тойронд байгаа гадаад байгалийн тухай тэр чейн хувьсийн хамгийн харанхуй будуулэг тесеөллөөс шашин үүссчээ. ... Харин түүхийн агуу их эргэлтүүдтэй уялдаатайгаар одоо хүртэл байгаа дэлхий дахинын гурван шашин Буддизм, Христос, Лалын шашин бий болжээ."<sup>2</sup>

Ийнхүү хүн төрөлхтний нийгмийн түүхийн өрнөл хөгжилт, зөрчил болон үзэл санааны үүсэл хөгжлийн ноёрхогч нийгмийн доторхи нийгэм, түүхийн үе онцлогтой хамт холбоотойгоор үүссэн гардаг номлол учир дорно дахинь ард түмний оюун санааны амьдралд гүнзгий ул мөрөө үлдээжээ.

Бурханы шашин нь эртний Энэтхэг орны доторхи нийгэм, улс төрийн түүхэн хөгжлийн явцад үүссэн бий болж, улмаар бусад орнуудад өргөн дэлгэрчээ. Энэтхэгт үүсч хөгжсөн бурханы шашны номлол нь манай тооллын үеэс эхлэн Азийн улс түмний дунд, ялангуяа бурханы шашны дээд хөлгөн ёс нь Төв Азид их дэлгэрсэн байна.

Төвд оронд дэлгэрсэн бурханы шашны үзэл номлол нь дотроо олон урсгалтай төдийгүй нутаг орны буюу сум хийдийн нэрээр алдаршсан байхад зарим нь бурханы шашны томоохон зүтгэлтний нэрээр нэршжээ. Төвдөд бурханы шашин дэлгэрч номын ёсыг тайлбарлахдаа зарим нь дан ганц доод хөлгөн судрын ёсны сургаал номлолыг түшдэг бол нөгөө нь дээд очир хөлгөн тарниийн ёсыг даган баримтлах бус эсвэл хоёр урсгалын үзэл санааг хослох чиг шугамыг баримталдаг ёсон байжээ. Төвдөд бурханы шашны Сажавагийн, Гажудвагийн, Очир хөлгөний ёс гэх зэрэг хэд хэдэн урсгал хэлбэрээр дэлгэрчээ.

Эдгээрээс Гаадамбын салбар нь 1Х зууны П хагаст Төвд оронд үүссэн бөгөөд түүнийг дэлгэрүүлэн хөгжүүлэхэд Энэтхэгээс залагдан ирсэн лам Зава Адши (982-1054) асар их нөлөө үзүүлжээ.

Адши, зөвхөн бурханы шашны үзэл сурталыг дэлгэрүүлсэн төдийгүй сум хийдийн амьдралыг зохион байгуулах, бурханы шашны ёс дэглэм, хурал номын ёсыг тогтоон хэрэгжүүлэхэд их үүрэг гүйцэтгэжээ.

XI зууны үед Төвдөд бурханы шашны доторх олон урсгал дотроос улаан малгайтын шашин зонхилж байв. Өөрөөр хэлбэл, Сакьяя буюу улаан малгайтын шашны урсгалыг номлогчдын сум хийдийн томоохон феодалууд барьж байраас засгийн эрхийг угсаа залгамжлан барьж өөрийн ноёрхолыг 1092-1128 онуудад тогтоож байжээ. Гэвч тухайн үед Төвдэд улс төрийн хямрал гүнзгийрч, эрх мэдлээ алдах аюул заналд учирсан үед Улаан малгайтийнудын үе залгамжлагч Пагва лам хэмээх Лодойжалцан (1235-1280) Монголын хаанаас тусламж гүйсан юм. Монголын их хаан Хубилай 1268 онд Пагва ламыг Төвдийн засгийн толгойлогч болохыг зөвшөөрч хөрш гурван орны номын хаан цол шагнажээ. Пагва ламын явуулж байсан бодлого уйл ажиллагааг хүлээн зөвшөөрсөн нь Төв Азид, ялангуяа Монгол оронд шашин дэлгэрэх үүд хаалгыг нээж өгсөн байна.

Чухам тэр үед Төвд оронд засгийн эрхийн төлөө хар, шар феодалуудын тэмцэл хүчтэй өрнөж, улааны шашны нөлөө буурч эхэлсэн төдийгүй түүнийг идэвхтэй дэмжих байсан Монголын их хаадын тэр сулармагц Монгол дахь нөлөөгөө алджээ.

Харин XYI зууны сүүл үеэс улааны шашин өөрийн нөлөөг бүр мөсөн алдаж, түүний байранд шар малгайтын шашин хүчтэй болж хөгжив. Бурханы

## *Монголын шашин, соёл, сэтгэлгээний түүх*

шашны энэхүү урсгал нь түүхэнд шарын шашин хэмээх нэрээр алдаршжээ. Нөгөө талаар Адшигийн үндсийг Гаадамбын урсгал ялсан нь шар малгайтын шашны урсгалд асар их нөлөө үзүүлсэн төдий ч шинэ Гаадамбын салбар гэж нэрлэх ч явдал байдаг.

Зава Адшигийн дараа Төвд оронд дэлгэрсэн бурханы шашны энэхүү урсгалыг тухайн чийн нийгэм, эдийн засгийн байдалд зохицуулан шинэчлэл хийсэн хүн бол бурханы шашны түүхэнд Шарын шашны эзэн хэмээн алдаршсан Зонховлувсандагва /1357-1419/ гэгч хүн билээ.

Зонхов нь Төвд дэх түүхийн тодорхой нөхцлийн дотор дэлгэрч байсан бурханы нэг шашны ёс номлолыг гунзгийрүүлэхэд хүчтэй нөлөө үзүүлсэн төдийгүй түүний номлол ёсыг Төвд орны тухайн нөхцөл, хүн эрдын оюун санаанд тохируулан хэрэглэсэн нь нэр алдрыг нь шутуулэн олны дотор улам алдаршуулахад хүргэлээ.

Төвдийн бурханы шашны нэрт төлөөлөгч Зонхов бурханы шашныг дундад зууны чийн байдалд зохицуулан сэргээж шинэтгэсний хувьд түүний туурвисан бүтээлүүд зөвхөн Төвд оронд төдийгүй Төв Азийн дунд олон түмний оюун санааг шарын шашны үзэл санаа, номлол, ёс дэглэмээр эзэмдүүлэхэд үзэл онолын чухал үндэс суурь нь болж иржээ. Зонхов Төвдөөс бурханы шашны гол урсгал шарын шашныг үндэслээд, шашны бусад урсгалуудаас ялан, түүний бие даасан шинж чанартай болгожээ. Гэхдээ энэ нь бурханы шашнаас шарын шашныг салгалаа гэсэн хэрэг биш харин түүний ёс үндэслэлийг хатуу баримталжээ. Шарын шашны ертөнцийг үзэх узлийн тогтолцоо нь бурханы шашны судрын ба дондорын /тарни/ хэмээн хоёр томхон чиглэлийг хослон баримтлах үзэл дээр төвлөрч байсан юм.

Зонхов бурханы шашны доод дээд хоёр хөлгөний аль нэгийг эсвэл нэгийг нөгөөгийн эсрэг тавих замаар биш, харин тэдгээр хоёр ёсыг хослон баримталж, түүнд заасан номлол сургаалыг даган бишрэх замаар хүлээн авсан нь номлолын хувьд бусад урсгалаас ялгагдсан хэрэг мэн болно.

Зонхов Богдын хийсэн нэг чухал шинэчлэлт бол бурханы шашны номлолын үндэс болох арга билгийг шүтлэгтэн олонд амар хялбар ухамсарлуулах зорилгоор дээд хөлгөний ёсонд өргөн томъёологдсон лам хувраг хүний үүргийг улам өндөржүүлж, багш шавийн барилдлагат ёс журмыг тогтоосон нь шарын шашин олон түмний дунд түгэн дэлгэрэх нэг үндэслэл болжээ.

Зонхов бурханы шашинд хийсэн шинэчлэлийн гол үзэл санаа нь:

- Бурханы шашны дээд, доод хөлгөн ёсыг салгалгүй хослон барих,
- Энэхүү номлол сургаалыг эзэмшсэндээ гагжүү бурханы шашны ёсон дахь арга билэг, /онол, програм/ хоёрыг түүштэй харуулах,
- Лам хувраг түүний ролийг дээшлүүлэх замаар багш шавийн барилдлагыг тогтоох,
- Шашны ёсонд суралцах аргыг нэлээд нарийвчлан дэс дараалалтай гунзгийрүүлж өгсөн явдал мөн.<sup>3</sup>

Богд Зонхов ийнхүү бурханы шашны номлол, түүнд суралцах аргыг хатуу даган, өөрийн шар малгайтын урсгалыг бэхжүүлэхийн тулд үзэл санаа, зохион байгуулалтын хувьд шинэтгэл, өөрчлөлт хийж, түүнийг амьдралд хэрэгжүүлэхэд хүчин зүтгэж байснаараа бурханы шашныг Төвд оронд дахин сэргэсэн юм.

Зонхов Богдын үндэслэсэн шарын шашны салбар XI<sup>1</sup> зууны эцсээс Төвдөд эрчимтэй хөгжиж улмаар цаашид XYI - XYII зууны үед Төв Азийн улс орнууд, ялангуяа Монголд өргөн дэлгэрчээ.

Монгол оронд бурхантны шашин нилээд эрт цагаас эхлэн нэвтэрх байсан боловч олонхи эрдэмтэд судлаачдын судалгаанаас үзэхэд эхэн үедээ өргөн олныг хамарч чадаагүй юм. Монголын феодалын нэгдсэн төвлөрсөн улс байгуулагдахын өмнө монголын олон аймгууд өөрийн хөрш зэргэлдээс оршиж байсан бусад олон аймгийн нэгэн адил бурханы шашныг зохих хэмжээгээр хулээн авч байв.

Харин Монголын феодалын тулгар төр тогтох ирмэгц, Монголын их хаадуудад бөөгийн шашнаас илүү үзэл суртлын зэвсэг хэрэгтэй байсан учраас бурханы шашныг аль болох хөхүүлэн дэмжицгээж байжээ. Тухайлбал, Монголын феодалын нэгдмэл төр, феодалын нийгмийг хамгаалан бэхжүүлэхэд чиглэгдэж, гол шүтээн бүхий шашинтай болохыг эзэн Богд Чингис болон түүний хүн Өгөдэй, ач нар Мөнх, Хубилай зэрэг хаадын үеэс эхлэн эрэн хайж эхэлсэн билээ.

Харин энд тэмдэглэж хэлэхэд Монгол гүрний үед дэлхийн гурван том шашны аль аль нь нэвтэрч эхэлсэн боловч тус гүрний хаад чухамхүү бурханы шашныг тэтгэн дэмжин залж, төрийнхөө шашин мөргөл болгосон юм. Үүний учир шалтгаан нь:

1. Монголчууд маш эрт цагаас эхлэн Энэтхэгийн шашин ба соёлын өв уламжлалтай шууд буюу тойруу замаар танилцсан төдийгүй түүнийг үе үе хүлээн авч байсан түүхэн залгамж холбооны нелөө туссан.

2. Монгол нь бурханы шашин эрт дэлгэрсэн Төвд оронтой ойр залгаа нутаглаж байсны дээр түүнийг ХШ зууны үед эрхшээлдээ оруулсан явдалтай холбоотой.

3. Шашин төр хоёрыг заавал хослон барилдуулах тухай бурханы сургаал дахь хоёр ёс хэмээн нэг гол үзэл санааг монголын язгууртан ноёдод нэн таалагдсан юм.

4. Бурханы шашин нь ихээхэн энэрэнгүй, нигүүлсэнгүй, хүн ардын тусын тулд байдаг зэргээс шалтгаалсан болов уу гэж үзэх үндэстэй билээ.

Ялангуяа Хубилай хаан бүр 1260-аад онд Бурханы шашны Сакия салбарын тэргүн Пагва ламыг урин залж, улмаар Бурханы шашныг нийт гүрний албан ёсны гол шашин мөргөл болгохоор шийдвэрлэжээ. Тэгээд ч Хубилай хаан улсын их багшийн тамгыг Пагва ламд өргөн барьж, түүнийг Монгол их гүрний шашны тэргүнээр өргөмжилжээ. Пагва лам, Хубилай хазны ордонд олон жил суухдаа бурханы шашныг Монголын язгууртын дунд дэлгэрүүлэн, түүний феодалын төр, түүний ангийн ашиг сонирхолыг хамгаалах зэвсэг болгон хувиргахын төлөө ихээхэн чармайжээ.

Пагва лам хэмээх Лодойжалцан нь "Төр ба номын хоёр ёсон буюу төр шашныг хослон барих тухай эртний Энэтхэгийн Бурханы шашны гол үзэл санааг Монголын феодалуудаас шашны хувьд эрхэмлэн дээдэлж төрийн бодлого болгон дэвшүүлжээ."<sup>4</sup> Үүгээрээ Пагва лам феодал ангийн төр нь гагцхүү буддын шашныг түшин шүтэх үндсэн дээр оршин байх тухай үзэл ёсыг Юан гүрний язгууртын дотор гүн нэвтрүүлэхийн хамт тэдний дэмжлэгтэйгээр төвд дэх Бурханы шашны олон салбарын зөрчил хямралыг зөөлрүүлэн, түүнийг Монгол, Хятад оронд дэлгэрүүлэх алсын зорилтыг тавьж байжээ. Пагва лам нь Монголд Бурханы шашныг дэлгэрүүлэхийн тулд олон тооны захидал, сургаал зэрэг ном судар бичихийн хамт ханы даалгавраар 1269 онд Дөрвөлжин бичиг зохиожээ.

Ийнхүү Хубилай хаан өөр нэг шашныг бус харин гагцхүү бурханы шашныг их гүрний албан ёсны гол шашин мөргөл болгож авсны зорилго нь юуны өмнө эзлэгдсэн олон аймаг, угсаатныг төрийн нэгэн шашны үзэл санаагаар гагнан барилдуулах замаар ноёрхолоо бэхжүүлэхэд оршино.

## *Монголын шашин, соёл, сэтгэлгээний түүх*

Нөгөө талаар Юан гурний хаад нь Бурханы шашныг бас цөөн тоотой Монголчуудыг Хятадын күнзийн суртлын хүчтэй нөлөөг эсэргүүцэн зогсоох үзэл суртлыг зэвсэг болгон ашиглах зорилгыг агуулжээ.

Хубилай хааны энэ бодлогыг дараа дараагийн хаад ургэлжлүүлэн гол төлөв Сакия хийдийн эрх баригч томоохон лам нарыг гурний нийслэлд удаа дараалан залж шүтэж байв. Хубилайн залгамжлагчид Пагва ламын дараа Сакиягийн лам Дармабал, Чойжи Одсэр, Гармаагийн салбарын Рянжуундорж, Ролбидорж эрэг лам нарыг удаа дараа залж төдэнд улсын багш уламжлалт цол олгож байв.

XIV зууны үед нэрт орчуулагч Чойжи Одсэр 1305 онд Бодигарьядарья, 1308 онд Банзрагч орчуулагч Шаравсэнгэ, Алтангэрэл бурханы 12 зохионгүй зэрэг голдуу шашны агуулгатай зохиолуудыг монгол хэлээр орчуулсан явдал нь монгол оронд бурханы шашин нэвтрэхэд багагүй нелөө үзүүлжээ.

Ийнхүү Бурханы шашин Монгол гурний үед үлэмжхэн нөлөөтэй болж, эртний бөө мөргөлийн байр суурийг хүчтэй бууруулжээ. Бурханы шашин нь зөвхөн язгууртнаар зогсохгүй, нийт XVII ардын дотор ч аль нэг хэмжээгээр нэвтэрчээ.

Гэвч XIV-XVII зууны 70-аад он хүртэл Бурханы шашин нийт Монголчуудын ахуйд гүнзгий нэвтэрч тэдний оюун санааг бурнээ эзэмдэж чадаагүй тул дурдсан үед тус оронд хуучин хэвээр бөө мөргөл зонхилсоор байжээ.

Энэ тухай саган Сэцэний Эрдэнийн товчид “Хубилай хаан.....Пагва лам хоёр тэргүүлэн монголын номын хаад Сакия шидтэн лам нартай учирч, хоёр төреөр (шашин, төр) хотол амьтныг үлэмж жаргалантай болгосон ажгуу. Түүний хойно ухаант Сэцэн (Тогоонтөмөр) хаанаас янагш шашин-төр хоёр өчүүхэн цүүлдэснээр (эзгүйдсэнээр) үйл дор нүгэл хилэнцийг үйлдэж, идхүй нь мах, цусаар эдлэн амуй биед нь”<sup>5</sup> гэж өгүүлсэн байдал.

Ийнхүү XIV зууны дунд үеэс XVI зууны сүүлч хүртэл монголчууд Бурханы шашныг гоц анхаарахгүй харин хуучин бөө мөргөлийг голчлон анхаарч түүнийг шүтэн бишрэх явдал улам өргөн олныг хамрах хандлагатай болжээ. Ийнхүү монгол гурний үед бурханы шашныг бүх талаар дэмжин тэтгэж байсан боловч улс орны зонхилох шашин мөргөл болж чадаагүй явдал нь дараах объектив, субъектив хүчин зүйлүүдээс шалгаалсан билээ. Үүнд:

- Хубилай хаан, уул шашныг албан ёсны шашин мөргөл болгож тунхагласан боловч, түүнийг Бээжин, Ханбилэг, Лань-Чжоу зэрэг хотын их язгууртны дунд тэргүүлж, нийт монголчуудад хүчээр тулгаж шүтүүлээгүйтэй шууд холбоотой.

- Монгол гурний төр-шашин ба соёлын төв нь эх нутагтаа бус, харь Хятад оронд оршиж байсан.

- Феодалын төр, сүм хийдийн зүгээс XVI-XVII зууны үеийнх шиг Бурханы шашны номлол, зан үйл сургаалыг нийт Монголчуудын дунд өргөнөөр сурталчлан, хуучин бөө мөргөлөө орхигчдод материаллаг урамшуулалт үзүүлээгүйтэй шууд холбоотой юм.

Гэвч энэхүү Бурханы шашин Монгол оронд нелөөгөө алдаж унах хандлагатай байсан нь түр зуурын үзэгдэл болсон юм. Харин XVI зууны эхэн үеэс бурханы шашин, шарын шашны хэлбэрээр хүчирхэг дэлгэрч, нийт Монголчуудын оюун санааг эзэмдсэн билээ.

Ийнхүү Монголд шарын шашин дэлгэрүүлэх явдал нь тус оронд олон жил үргэлжилсэн феодалын бутралыг даван туулж, улс төрийн талаар нэгтгэх, шарын шашны үзэл санаагаар монголчуудыг оюун санааны хувьд нэгтгэх зорилготой уялдан гарснаар түүхэн ач холбогдолтой үзэгдэл болж байгаа юм. Ийм учраас монголын нелөө бүхий феодалууд шарын шашны шүтэн биширч дэлгэрүүлэх талаар бүх хүчээ дайлах болов. Монголын феодалуудын дотроос Юан улсын дараа шарын шашны өөрийн эрх нөлөөг бататган бэхжүүлэх зорилгоор дэлгэрүүлсэн томоохон феодалууд бол Түмдийн Алтан хаан (1507-1582), Цахарын түмэн засагт хаан (1558-1593), Халхын Абтай (1554-1588), Ойрадын Хар хул зэрэг хүмүүс юм. Тэд нар бараг ойролцоо цаг үед шарын шашныг өөрсдийн нутагт дэлгэрүүлэх бодлогыг идэвхтэй явуулж байв.

Анх 1577 онд Алтан хаан далай лам Содномжамцыг (1542-1588) Хөх нуурын Чавлаан газар хүндэтгэн залж, өөрөө эхлэн бусад Ордосын феодалуудыг шарын шашинд оруулсан байна.

Монголын феодалуудын дотроос хамгийн хүчирхэг Түмдийн Алтан хаан ийнхүү шарын шашны тусламжтайгаар нийт монголыг өөрийн эзэмшилд оруулан нэгтгэн захирах бодлогыг туштай явуулж байсан нь харагдаж байна.

Энэ нь Алтан хаан, Содномжамц лам хоёр өөрсдийн биеийг Хубилай, Пагва лам нарын шашин төрийг хослуулан хөгжүүлсэн их хэргийг цаашид үргэлжлүүлэгчид гэж үзэж байсантай шууд холбоотой юм.

Бөө мөргөлийг орхин, шинэ шарын шашныг авахтай холбогдуулан хийсэн еслол дээр Алтан хаан, Содномжамцыг бүх шарын шашны толгойлогч хэмэн өргөмжилж, түүнд Далай лам гэдэг цолыг өргөмжилсэн төдийгүй, бас Содномжамц нь Алтан хаанд Хубилай хааны анхны цолыг хэрэглэхийг зөвшөөрч, шашны тухай тусгай хууль гаргахаар болжээ. Түүнийг Ордосын Сэцэн хун тайж зохиохдоо Хубилайн Арван буйант номын цагаан түүхийг өрөн ашигласны хамт ураг төрлийн байгууллын үед туссан бөөгийн мөргөлийн зарим нэг зан үйлийг шууд угийгэж авсан цагаан буяныг дэлгэрүүлж шүтэх хууль цаазыг боловсруулжээ. Тус цаазад:

- үхэгсдийг оршуулахад тэмээ, мориig алж хойллог хийхийг зогсоох
- жил ба сар тутам малын амь таслахыг тэвчин мацагийн санваар барих
- Цоржийг хунтайжтай, Рабжамбагавжийг тайж нартай, гэлэнг тавнан ханжинтай, тайж шимнац (чавганц) убashi, убасанд нарыг онлигуд (бага тайж) нартай адил эрхтэй болгох. Хэрэв тэдэнд энгийн ард гар хүрэх, хараах, үг хэлээр дайрвал хун тайж нарыг занчсантай адилхан шийтгэх
- Лам нар номын ёсыг зөрчиж гэргий авбал сум хийдээс хөөх, убashi, убасанд нар амьтныг нядалбал сахилын авч хар болгох, тойон, убashi нар архи дарс уувал хамаг юмсыг хайж авах<sup>6</sup> гэх зэрэг зүйлийг заасан байна.

Алтан хаан, Содномжамц ламтай хэлэлцээр байгуулж, шашны цааз тогтоосон нь юуны өмнө өөрсдийн эрх мэдлийг бататгаад зогсоогүй, тухайн үедээ зургаан түмнийг товчилсон төв засгийн газар байгуулан, Монголыг захирич байсан Түмэн засагт хааны эсрэг чиглэгдэж байв. Өөрөөр хэлбэл Алтан хаан Төвдийн нелөө бүхий Содномжамц ламын дэмжлэгтэйгээр биеэ Хубилай хааны үйл хэргийг үргэлжлүүлэгч бүхий Монголын хаан хэмээн нийтэд зөвшөөрүүлэн хүлээлгэх зорилго тавьж байв.

Алтан хааны нас барсны дараа Баруун Түмний байдал аажмаар доройтож нелөө бүхий хаад бараг угий болсон тул Далайлам, зүнх гурван түмний томоохон феодалууд тухайлбал, тухайн үед ихээхэн нелөө бүхий

## *Монголын шаши, соёл, сэргэлгээний түүх*

хүчирхэг Түмэн засагт хаантай холбоо тогтоох бодлогыг тууштай явуулж эхлэв. “Харин Түмэн засагт хаан, Алтан хаантай монголд шашин дэлгэрүүлэх талаар өрсөлдөж, бvr 1576 онд Төвдээс илд зангидааг улаан малгайтын шашны лам Гармаа гэгчийг урин авчирч түүнтэй багш шавийн барилдлагаа тогтоож шашинд орж улсын дотор шашныг дэлгэрүүлэх ажлыг зохиосон байжээ.”<sup>7</sup> Энэ баримтаас үзэхэд Алтанхан, Түмэн засагт хан нар шашныг Монгол оронд дэлгэрүүлэх талаар харилцан биеэс өрсөлдөж байсныг харуулж байгаа юм.

Харин IV далай лам Ендонжамцыг /1588-1616/ Төвдээс биш, харин монголын том феодал алтан хааны ач xv Сэнгэдуурэнгийн гэр бүлээс тодруулсан явдал ч санамсаргий бус болов уу. Энэ нь Төвдийн том шар феодалууд шарын шашныг монголчуудын дунд улам гунзгий дэлгэрүүлэхийн хамт ирээдүйд тэднийг хүчээр дотоодынхаа дайсныг номхутгон хазаарлахын тулд Ш далай лам Содномжамц нас нөхцөхийн өмнө Монголд төрнө гэж хэлсэн хэмээх домог яриа сахан болтол Төвдччудийн дунд уламжлагдаж иржээ.

IV далай лам 1604 оноос эхлэн харь орон Төвдээс сууснаас гадна бага насалсан хэдий боловч Лхасаас монголд тусгай лам илгээх зэргээр шарын шашныг монголд түгээн дэлгэрүүлэхэд асар их үүрэг гүйцэтгэжээ.

Ийнхүү Түмэдийн феодалууд өөрсдийн дундаас Төвдийн толгойлогчийг тодруулсан явдал нь түүнийг ашиглан Төвдийг эрхэндээ оруулан, улмаар бух монголыг нэгтгэх зорилтыг тавьж байсан боловч үр дунд хүрээгүй юм.

Алтан хан шарын шашныг хүлээн авч дэлгэрүүлсний дараагаар монголын феодалууд дагалдан дууриаж эхэлсэн юм. Халхын Абтай /1554-1588/ Түмэдийн Алтан хан шарын шашинд орж нэр алдар ихээхэн дэлгэрч байгааг сонсоод, 1577 онд өөрийн биеэр Хөх хотод ирж далай лам Содномжамцтай учирч шашныг халхад дэлгэрүүлэхээр харилцан тохиролцоод зогсоогүй III Далай лам халхын феодалуудын дотроос анх удаа Абтайд Очир бат түшээт хан цолыг олгожээ.

Абтай хан монгол оронд /халхад/ шарын шашныг дэлгэрүүлэх талаар үйагчий зүтгэсний хүчинд түүний нэр хүнд нэмэгдэж улмаар бух халхыг дангаар захирах байдалтай болжээ. Абтай хан Төвдийн далай ламын шууд дэмжлэгтэйгээр 1585-1586 онд тус орон дахь шарын шашны анхны сүм хийд Эрдэнээзүүг эхлэн байгуулжээ. Ийнхүү Абтай хан III Далай ламын төлөөлөгч Ширээт Гүүншүржийн шууд оролцоо тусlamжтайгаар халх-монгол дахь хуучин бөө мөргөлийг хүчээр хавчин арилгах тухай албан ёсоор тунхаглан шарын шашныг төрийн шашин мөргөл болгожээ.

Ялангуяа халхын хамгийн нөлөө бүхий том феодал Түшээт хан Гомбодоржийн xv Занабазарыг 1639 онд дарнатын хувилгаан, шарын шашны тэргүүнд өргөмжлөгдсөн явдал нь санамсаргий эзиль биш юм. Энэ нь шарын шашныг тус оронд дангаар нь тэгс ноёрхуулан, нэгдмэл удирдлага бүхий төвлөрсөн сүм хийд байгуулах замаар халхын улс төр, үзэл суртлын хувьд нэгтгэн бэхжүүлэх гэсэн том феодалуудын зэрэгцээ түүнийг дэмжиж Төвдийн далай лам, Банчин Эрдэнэ нарын бодлоготой зийл болжээ.

XVI зууны сүүл хагаст Төвд дэх бурханы шашны олон салбаруудын хооронд явагдсан тэмцлийн эцэст шар малгайтын салбар тус оронд зонхилох болсноор IV-V далай лам, I Банчин богд нар монголд ч гагцхүү шарын шашныг бурэн ноёрхуулах бодлогыг явуулж эхэлсэн юм. Хэрэв монголын феодалууд шарын шашны тусlamжтайгаар феодалын дотоод хямралыг зогсоож монгол туургатныг улс төрийн талаар нэгтгэх бодлого явуулж байсан бол Мин улс чухамхүү шарын шашны үзэл санаагаар хөрш оруудыг номхатган захирах найдвартай зэвсэг болгон ашиглахыг оролдож байсан боловч төдийлөн үр дунд хүрээгүй юм.

## Монголын шашин, соёл, сэтгэлгээний түүх

Монгол оронд шарын шашныг дэлгэрүүлэхэд өндөр гэгээн Занабазар нь асар их үүрэг гүйцэтгэсэн билээ. Өндөр гэгээн нь Төвд оронд олон жил шашны дамжаанд суралцаж 1651 онд Монгол нутагтаа буцан ирмэгцүүнэхээр шарын шашныг дэлгэрүүлэх, хүрээ хийд байгуулах, шашны ном сургаалыг орчуулах, бурханы зан уйл, узэл санааг зонхицуулахад онцгой анхаарсан зүтгэлтэн билээ.

Занабазар нь бусад шашны зүтгэлтэн нарын хамт олон арван бурхан цутгасны дотор өөрийн гараар Важидор хэмээх 8 суварга бүтээж, Төвдээс Ганжуур данжуурын бүрэн ботиж худалдан авахын зэрэгцээ чухамхын энэ үед Занабазарын урлаг гэж нэрлэгдсэн дорно дахины гайхамшигт уран хийцтэй цутгамал Дарь эхнүүдийг бүтээжээ. Үүнээс гадна гахай жил /1657/ Занабазарыг Эрдэнэзууд урин залж шарын шашны их өрөөл хуруулан, Майдар эргүүлэх арван догшид ба ганшуудыг тус хийдийн тогтмол жасаа хурал болгож уншуулалаар тогтсон билээ. Энэ нь хэрэг дээрээ уул хийдэд улбаалсаар байсан Сакия /улаан/-ын ёсыг шарын шашныхаар үндсэнд нь халж өөрчилсөн нь харагдаж байгаа юм.

Энэ тухай "Монгол дахь буддын шашны түүх хэмээх сурвалжид Гэгээний 23 насан дээр гахай жил /1657/ дор Эрдэнэзууд халхын ноёд бат оршил өргөж, их өрөөл хурж тэндээс уламжлалаар олон орууладад номлох бүтээхийн олон хийд хүрээг байгуулж, шашин эрднийг арвигтан дэлгэрүүлбэй" <sup>8</sup> гэж өгүүлжээ.

Занабазарын халхад шарын шашныг дэлгэрүүлэх идэвхитэй уйл ажиллагаа нь Халх-ойродын самууны үед /1688-1697/ үед нэлээд saatсан боловч 1698 оны үеэс эхлэн шашны уйл ажиллагааг дахин сэргээж, улмаар барс жилд /1698/ Сэцэн хан аймагт ирж далай ламын намтар Төвдийн Сандаг хэмээх толь бичгийг монгол хэлэн дээр орчуулалцахын хамт соёмбо угсийг зохиожээ.

Түүнчлэн Занабазарын хамт шарын шашинг эрчимтэй дэлгэрүүлсэн хүмүүсийн тоонд Сайн ноён хан аймгийн Зая Бандида хутагт Лувсанпэрэнлэй /1642-1715/, Эрдэнэбандид хутагт Лувсанданзан-Чойжилжалцан /1639-1704/ нарыг нэрлэж болох юм. Тэд нар Төвдэд шашны эрдэмд суралцсаны дараа эх Монгол нутагтаа ирж, шашны номлолыг дэлгэрүүлэхэд улэмжжэн үүрэг гүйцэтгэжээ. Тухайлбал Лувсанпэрэнлэй, шашны холбогдолтой олон ном түүрүүсни дотор Болор толь хэмээх Энэтхэг Төвд, Монголын Бурханы шашны түүхийн 4 боть, Хуврага Лувсанпэрэнлэйгийн хорвоогийн уйл явдлыг өгүүлсэн их ёс гэрэлт зул хэмээх нэртэй өөрийн товч намтар зэрэг бүтээгддүйн бичжээ.

Түүнчлэн Эрдэнэбандида хутагтын анхдугаар хувилгаан Лувсанданзан-Чойжилжалцан нь Халх Монголд олон арван сүм дуган хийд байгуулж, тэнд шарын шашны номлол үзэл санааг дэлгэрүүлсэн нь сүсэгтэн олонд алдаршжээ. Энэ тухай сурвалж бичигт "Богд лам /1 эрдэнэбандида хутагт/ бас хошуу тус бүрт шинээр дацан сүм байгуулах тухай халхын бусад ноёдод зарлиг буулгаж шашныг халхад мандуулав" <sup>9</sup> гэжээ. Шарын шашин нь зөвхөн Төвд, халх монголд төдийгүй, Ойрадад бараг нэгэн цаг үед дэлгэрч зонхиисон бөгөөд зарим үед Ойрадын нөлөө бүхий лам хуврагууд халхад шарын шашны цаашид дэлгэрэлтэнд ч нөлөө үзүүлжээ.

Ойрадууд шарын шашныг анхандаа өмнөд Монголоор дамжуулан авч улмаар XVI-XVII зууны зааг үед баруун монголын зонхилох шашин мөргөл болон хувирчээ. Ойрадад шарын шашныг анх дэлгэрүүлэхэд тус орны томоохон феодал Сайн тэнгис мэргэн Тэвинэ /Аюуш хан/, Байбагас хан нар онцгой үүрэг гүйцэтгэжээ. Судлаачид 1616 оны үед Ойрадууд шарын шашныг албан ёсоор төрийн шашин мөргөл болгон тунхагласан гэж уздэг бөгөөд шашныг өргөн хэмжээгээр дэлгэрүүлэхэд Зая Бандид Намхайжамц /1599-1662/ асар их үүрэг гүйцэтгэсэн билээ.

## Монголын шашин, соёл, сэргэлгээний түүх

Ялангуяа Зая Бандида нь Ойрадад олон арван сүм дуган байгуулж, Мань голбум, Малын намтар, Молом тойны намтар мэт шашны ном судар түүх гүн ухаан уран зохиол анагаах ухаан, зурхай зэрэг олон ном зохиолыг орчуулах, бичих замаар тус оронд шарын шашныг дэлгэрүүлэхэд ихээхэн хувь нэмэр оруулжээ. Ингэж Зая Бандида бурханы шашны номлолыг зийл бүрээр тэтгэн дэмжиж, Ойрад Монголд дэлгэрүүлэхийн хамт бөө мөргөлийг хавчин зайлцуулах бодлогыг хүчтэй явуулсан билээ. Баруун Монголд XVII зууны үед шарын шашин эрчимтэй дэлгэрч сүм хийд байгуулагдан, лам нарын тоо олширч буддагийн шашны сургууль байгуулагджээ.

Сурвалжаас үзэхэд, XVII зууны эхэн хагаст Булнай, Дайчин хошуугийн суврага, Эргис, Бороо талын сүм, Зая бандидын хувийн сүм зэрэг нийдлийн ба хувийн олон сүм дуганууд байгуулагджээ<sup>10</sup>.

Түүнчлэн Эрдэнэбаатар хунтайж, Галдан бошигт, Цэвээнравдан зэрэг хааны үед ч Ойрадад олон тооны сүм дуган байгуулагдаж, тэдгээр хаадаас сүм хийдийг ч бэхжүүлэх шарын шашны номлолыг дэлгэрүүлэх талаар онцгой анхаарч ирснийг тэмдэглэх нь чухал юм. Ийнхүү шарын шашин нь XVI зууны эцэс, XVII зууны эхний хагаст бүх халх, Ойрад Монголд бүрэн ноёрхож эхэлсэн учир 1640 оны Монгол-Ойрадын хууль хэмээх нэгдмэл цааз бичгээр нийт монгол угсаатны төрийн шашин мөргөл болгон тунхаглаж, шарын шашны сүм хийд, дээд лам нарт дахин онцгой эрх дарх олгожээ. Ийнхүү Монгол оронд шарын шашин харьцангуй богино хугацаанд бүх нийтийн оюун бодлыг өөртөө татагч үзэл санааны том хүчин зийл болж чадсан нь дараах объектив, субъектив зийлтэй шууд холбоотой юм. Энэ нь :

1. Шарын шашныг ноёрхогч ангиас ард олонд тусган хүлээлгэнсээс гадна, түүний үзэл номлол, зан үйл нь сүсэгтэн олны талархлыг хүлээж байсантай шууд холбоотой юм.

2. Шарын шашныг феодалууд эрчимтэй дэмжиж, хошуу нутаг бүрт нийдэлчин ардын ахуй амьдралд зохицуулсан олон тооны гэр дуган барихын хамт өрх бурд шүтээн онгодын оронд бурхан сахиус тавиулах болжээ.

3. Бурханд зориулсан жасаа, даллага үйлдүүлж, хүн бүрээр маань мэгзэм уншуулж, хүрд эргүүлэх зэргээр шинэ шашны зан үйлийг хүмүүсийн ахуйд хүчтэй нэвтрүүлж, сүүлдээ олон сүм дуган байгуулан, тэнд гүн ухаан, анагаах ухаан, зурхай зэрэг номын дацан, сургуулиуд бий болж, олон лам нарыг байнга шавилган суулгах зэргээр сүсэгтэнд үйлчлүүлжээ.

4. Лам нар нь эртний Энэтхэг, Төвдийн анагаах ухаан зурхай зэрэг мэдлэг ухааны зарим зийл болон галбийн аргыг ашиглан сүсэгтэн олныг биедээ татаж, улмаар бурханы шашны гол сургаал Үйлийн үрийн тухай ухагдахууныг Жаргалан сугавади орон ба талын зовлон гэгчтэй холбон янз бурийн хялбарчилсан аргаар ард түмний дунд өргөнөөр номлож гийгүүлсэн юм.

5. Төвдийн Далай лам, Банчин-Эрдэнэ нар Монголд шарын шашныг дэлгэрүүлэхийн тупд олны дотор амьд бурхан хэмээн нэрлэгдсэн хутагт хувилгаадыг тодруулан, тэднийг зориуд Монголд илгээж байсан нь шарын шашны үзэл санаа ард олныг эзэмдэхэд нөлөөлжээ.

6. Шарын шашин нь Хятад дахь Күнзийн сургаал, Лаозын балбын шашнаас гүн ухааны хувьд хөгжмөл төдийгүй гадаад сүр үзэмж, зан үйлээр буудулэг Монголын бөө мөргөлийг өөртөө харьцангуйгаар хялбар уусган шингээсэн нь шарын шашныг Монгол оронд зонхилоход багагий нөлөө үзүүлжээ.

## Монголын шашин, соёл, сэргэлгээний түүх

Дэлхийн аливаа томоохон шашнууд уусч хөгжихдөө өөрийн замд тохиолдох ураг төрлийн байгуулалын мөргөлийн хувцээр бүр мөсөн шахан залуулахыг эрмэлзэж байжээ. Гэвч тэр нь ганц далайцаар гүйцэтгэж үл болох нарийн төвөгтэй зорилт байсан учир арга буюу хуучин шашин мөргөлтэй аль нэг талаар зохицон нийцэхэд хурдэг байжээ. Тиймээс ч Төвдийн шашны лам нар нь шинэ хуучин хоёр шашны шүтээнүүд болон тэдгээрийн зан үйлийн зарим нийтлэг зүйлийг ашиглан шарын шашны гол шүтээн зан үйлийг зонхилуулах замаар өөрийн үзэл санааг ноёрхуулсан юм.

Монголын ноёллогч анги ч тус оронд шарын шашныг дэлгэрүүлэхдээ Энэтхэг Төвдийн Бурханы олон үеийн уламжлалт туршлагыг ашиглах замаар үйлийг хуучин бөө мөргөлтэй аль нэг талаар зохицуулах замаар түүнийг шарын шашинд уусгах бодлогыг явуулсан билээ. Гэхдээ олон мянган жил ард түмний оюун санааг эзэмдэг ирсэн бөө мөргөл - шашныг уусгах замаар шарын шашныг дэлгэрүүлсэн гэвэл түүхэн үнэнд нийцэхгүй юм. Монголчуудыг оюун санааны талаар хэдэн мянган жил ноёрхсон бөөгийн мөргөл шарын шашинд хавчигдан угий болсон явдал нь дараах үндсэн шалтгаантай шууд холбоотой юм. Үүнч:

1. Монголын ноёрхогч феодалууд шарын шашинг дэлгэрүүлэх талаар шургуу тэмцэл хийсэн. Нөгөө талаар бөө мөргөлийн зан үйл хэтэрхий хоцрогдмол, харгис байдлыг ард олон ч, ноёрхогч анги ч ойлгож тухайн үеийн улс төрийн бодлого үйл ажиллагааг явуулахад саад болж байв.

2. Овгийн байгууллын үеийн бөөгийн мөргөл нь феодалын нийгмийн үед аргагүй хоцрогдож, түүхэн хөгжлийн зүй тогтолцоор мөхөх шатанд нэгэнт орсон байлаа.

3. Тухайн үед дэлгэрч эхэлсэн шарын шашны үзэл, номмол ёс, зан үйл нь бөөгийн мөргөлөөс илүү дэвшилттэй ард олны зан үйлд ихээхэн ойр дөт байснаас тэд талархан авч байв.

4. Бөөгийн мөргөлийн хоцрогдмол, харгис талыг шарын шашны лам нар аятайхан ашиглаж, хүний энэрэх ёс, амьд амьтнаас цус гаргахын эсрэг, нүгэл хилэнгийн эсрэг 10 цагаан буян, 10 хар нүгэл гэх мэт номлолуудыг тавьжээ. Энэ нь удаан жил тасралтгүй дайн, дотны аюулд учирч дайнгүй энх амгалан, амар түвшин цагийг хүлээн мөрөөдөж байсан Монголын ард олонд амархан итгэгдсэн юм.

Ийнхүү XVI - XVII зууны үед тус оронд шарын шашин дэлгэрч зонхилсон явдал нь феодалын харилцааг бэхжүүлэн Монгол тургатныг улс төрийн хувьд нэгтгэхэд дотоодын эв нэгдлээ бэхжүүлж, дайн дажингүй энх түвшин амьдрахад нийт ард олны оюун санааг нэгдмэл нэг үйл ажиллагаанд төвлөрүүлэн нягтуулахад түүхэн ач холбогдолтой үйл явдал болжээ.

Манай орны судлаачид, түүхчдийн дотор шашны түүхийг тусгайлсан судалсан нь ховор төдийгүй, судалсан түүхчид нь их төлөв намч, ангич байр сууринаас хандаж, түүний үзэл санаа, үйл ажиллагааг сөрөг талаас шинүүмжлэх зорилтыг агуулж ирсэн.

Тэгвэл өөрчлөлт, шинэчлэлийн өнөө үед шашны түүхийг ялангуяа шарын шашин Монголд дэлгэрч түүний үзэл санаа, хүн ардын оюун санааны үндэс болсныг түүхийн шинжлэх ухааны үүднээс түүхэн үнэн баримт, тухайн цаг үеийн нөхцөл байдалтай нягт холбон судлах нь зөвхөн шашны түүхийн хувьд төдийгүй улс тэр, эдийн засаг, соёл зэрэг Монголын түүхийн нилээд асуудлыг нэн зөвөөр үнэлэлт дүгнэлт өгөхөд тэргүүн зэргийн ач холбогдолтой бус уу.

## *Монголын шашин, соёл, сэтгэлгээний түүх*

### **Ишлэл авсан болон ашигласан ном зохиол**

1. "В.И.Ленин." - Х боть 61.62 талууд
2. К.Маркс., Ф.Энгельс "Түүвэр зохиол" - III боть УБ 1970. 379,381 талууд
3. Ц. Дамдинсурэн. "Монголын уран зохиолын дээж 100 билэг оршвой." УБ 1959.
4. "Эрдэнэзүү гэгээний намтар оршвой." УБ 2001 79 тал
5. Саган Сэцэн. "Эрдэнийн товч." УБ 1960 210-212 талууд
6. Саган Сэцэн. "Эрдэнийн товч." УБ 1960 253-254 талууд
7. Саган Сэцэн. "Эрдэнийн товч." УБ 1960 133 тал
8. С. Пүрэвжав. "Монгол дахь шарын шашны хураангуй түүх." УБ 1978 48 тал
9. Рамжимба Заяа Бандидагийн тууж. УБ 1968 59 тал
10. Бари Дамцагдорж "Лувсанцэвээнжавын намтар." УБ 1960 14 тал
11. "БНМАУ-ын түүх." I боть УБ 1966
12. "Монголын түүх" УБ 1999
13. Галдан. "Эрдэнийн эрх." УБ 1960
14. "Асрагч нартийн түүх." УБ 1960
15. Ш Нацагдорж. "Халхын түүх." УБ 1963
16. С. Пүрэвжав. "Хувьсгалын өмнөх их Хүрээ." УБ 1961.